

PRESS RELEASE

Burom Union Minister jong ka Agriculture bad Farmer Welfare, u Shri Radha Mohan Singh u lah plie ia ka North Eastern Region Agriculture Fair 2018” ba lah pyniaiad da ka ICAR Research Complex for NEH Region, Umiam, Ri Bhoi district, Meghalaya.

Ha kane ka mela ki mat ba kongsan kiba u lah pynshai ki long kine harum

- Ha kane ka jingkylla jong ka pyrthei haka liang jingiakhun ha ka roi ka par, ka thain shatei lam mihngi jong ka ri India kaba kynthup lang ia ka jylla Meghalaya ki don bun ki lad ban kyntiew ha ka liang ka rep ka riang.
- Ki nongrep ki lah ban pynkiew ia ka ioh ka kot jong ki da kaba pyndonkam ia ki rukom rep kiba kynthup ia ka rukom rep kaba pynkylla ia ki jingthung ha man la ki aiom, ka rukom rep kaba kyllum lang ia ka jingri (sniang, masi, dohkha bd kiwei kiwei de) bad ka jingrep bad kiwei kiwei ki kam kiba iadei bad ka rep ka riang, ka rukom rep ar/lai tylli ki jingthung ha ka shi aiom da ki nongrep ha kaba ia nujor bad ka rukom rep tynrai.
- Ha shwa ka jingwan ka sorkar Modi, don tang hynniew tylli kolej ha kane ka lam mihngi bad mynta ka jingdon jong ki kolej ka lah kiew sha 13 tylli ha kine lai nem shiteng. Ha kaba mynshuwa, don tang 5 tylli ki Krishi Vigyan Kendras (KVKs) ha Meghalaya bad mynta ki lah don haduh 7 tylli ki KVKs.
- Ka sorkar Meghalaya kadei ban sdang pyndonkam noh ia ka pisa kaba lah mang da ka sorkar Modi lyngba ki skhim bapher bapher na ka jingbha ki nongrep.

Umiam, Ri-Bhoi, Meghalaya: U Union Minister jong ka Agriculture bad Farmer Welfare u lah ong ba ka sorkar India ka lah shim ki lad bapher bapher ban wanrah ia ki program na ka bynta ka jingbha jong ki briew ha ki thain nongkkyndong naduh ka tynrai khamtam ban kyntiew ia ka rukom rep kum ha kip or ba mynta bad kumjuh ruh ban kyntiew ia ka jingioh jingkot jong ki na ka rep ka riang bad kiwei kiwei de kiba iasoh ba ka rep ka riang.

U minister u lah ong ruh ba ha kane ka mela ka “North Eastern Region Agriculture Fair 2018” kaba lah pyniaiad da ka ICAR Research Complex for NEH Region, Umiam, Ri Bhoi district, Meghalaya.

Ha kane ka jingkylla jong ka pyrthei haka liang jingiakhun ha ka roi ka par, ka thain shatei lam mihngi jong ka ri India kaba kynthup lang ia ka jylla Meghalaya ki don bun ki lad ban kyntiew ha ka liang ka rep ka riang. Ka jingpyntyllun ha ka liang ai kam lyngba ka rep k riang da kaba pyndom da ki bor stad pynroi kiba iahap bad ka jaka bad ka jingpyniadei bad ki nongshimbynta ki bapher bapher ki dei ki lad kiba khring bad pynneh ia ki samla bad ki pateng ban wan ha ka rep ka riang. Ka jingtreilang, ka jingpyniadei jong u paidbah ka jylla, ki riewshimet bad kiwei kiwei de ki nongshimbynta ha ka jylla bad ka jingsam lang ia ki jingtip jingstad, ki bor trei kam bad ki mar ki mata ki lah ban wanrah ia ka jingtrei kaba kordor ha ka liang ka development kaba pynneh ruh ia ki mar ki mata bad ia ka por ruh de.

U Minister u lah ong ruh ba lyngba ka jingpyndonkam ia ki rukom rep da ki teknologi kiba thymmai kan wanrah ia ka jingiohnong ia ki nongrep. Ki jaid jingthung kiba iohnong kum u sohniamtra, sohtrun, syntiew

bad kiwei kiwei de lah ban pynmih na kane ka thain bad ka ban pyniaid iew ha ka khaii pateng bad kane ka mat kadei kaba donkam jingkhmih kaba klooi.

Ki Nongrep ki lah ban pynkiew ia ka ioh ka kot jong kid a kaba pyndonkam ia ki rukom rep kiba kynthup ia ka rukom rep kaba pynkylla ia ki jingthung ha man la ki aiom, ka rukom rep kaba kyllum lang ia ka jingri (sniang, masi, dohkha bd kiwei kiwei de) bad ka jingrep bad kiwei kiwei ki kam kiba iadei bad ka rep ka riang, ka rukom rep ar/lai tylli ki jingthung ha ka shi aiom da ki nongrep ha kaba ia nujor bad ka rukom rep tynrai.

Ban pynkhlain ia ka rep ka riang,ka sorkar India ka lah buh ia ka thong ban kyntiew ar shah ia ka jingioh nong jong ki nongrep shwa u snem 2022. Na ka bynta kane, ka sorkar ka lah sdang bun ki skhim ha ka rukom ai um, ban pynbha ia ka mariang bad ka rukom rep organic ban. Ka sorkar Meghalaya ka dei ban pyndonkam bha ia ka pisa bal ah mang da ka scheme jong u Myntri Rangbah “Mantri Krishi Sinchai Yojana”. Ka sorkar Meghalaya ka khlem lah ban pyndonkam ia ka mang tyngka kaba kot kumba Rs 50 lakh (sanphew lakh) kaba lah mang na ka bynta ka micro-irrigation ha ka scheme “Per Drop More Crop “ kaba lah don mynta lah saw snem. Ha u snem 2015-16, kumba Rs 1.44 crore lah ai na ka mynta ban pyndonkam ha ka rukom ban kynshew ia ka um hynrei ka sorkar ka khlem lah ban pyndonkam ha utei u snem.

Ha u snem 2016-17,ka sorkar Meghalaya ka khlem lah ban pyndonkam ia ka pisa kaba lah mang kaba kot Rs.32 lakh bad ha u snem 2017-18,ka sorkar ka don kumba Rs 2.2 crore bad kum bal ah ioh jingtip ia ka jinglut jong kane ka pisa khlem pat lah ban ai ia ka jinglut jingsep sha ka sorkar India. Ha u snem 2015-17, Rs. 44 lakh lah mang sha ka sorkar Meghalaya na ka bynta ka Soil Health Card (SHC) bad kum ba lah ioh jingtip , haduh mynta 2,09,000 ki Soil Health Card lah sam. Ha une u snem kumba Rs 53 Lakh lah mang na ka bynta ka Soil Health Card (SHC). Ka jylla Meghalaya naduh ba sdang ka lah shim ia ka rukom rep kaba pynduna ia ka jingpyndonkam ia ki sboh dawai bad ka skhim thymmai lah pynmih hadien ka jingwan jong ka sorkar jong u Modi bad lah mang tyngka na ka bynta kane ka scheme ruh. Ka certificate ba pyndonkam ia ka pisa kaba Rs 1.59 crore kaba lah mang ha u snem 2016-17 khlem pat ai ia ka jinglut jingsep sha ka sorkar India. Ki fund kiba lah mang da ka sorkar u Modi ha kine saw snem bal ah dep hapoh ki jingthung kiba pynmih umphniang khlem pyndonkam naduh u snem 2014-15 bad 2015-16. Ha u snem 2016-17,tang Rs.57 lakh lah pyndonkam.

Ka sorkar ka lah mang Rs 1.5 crore ha u snem 2017-18 bad na kane tang Rs 80 lakh lah dep pyllait. Ym don ka report ia ka jinglut jingsep jong kane ka pisa bad I kumba ki khlem lah ban pyndonkam ia kane ka pisa bad ruh kumjuh ym lah ban shim ia ka pisa ba dang sah. Nga kwah ban ong ia ka sorkar Meghalaya ban pynkloi ia ka jingtreikam jong kine ki scheme kaba lah sdang da ka sorkar Meghalaya ban kyntiew ia ka jingioh jingkot jong ki nongrep.

U Ministar u ong ba ka ICAR Research Complex, Umiam naduh ba sdang ia ka ka lah pyntrei bun jaid ki projek na ka bynta ki jingeh ha ka liang ka rep ka riang ha ka thain shatei lam mihngi. Ka lah mih haduh 32 tylli ki ki rukom rep kat kum ka jinglong jong ka jaka, ka agroforestry model (ka rukom rep bad ka jingthung ki dieng) bad ruh kum ki rukom rep ba kham bha ban ia rep shirti. Ka lah pynmih 56 tylli ki jaid jingthung kaba kynthup 32 tylli ki jaid kba, ka pynmih ruh ia ki rukom ri dohkha bad ki mrad kiba thymmai kidei kiei kiei kaba kane ka ICAR ka la lah. Ka jingiohi ka ba don ka jingdonkam ia ka bor trei na ka bynta ka jingkieu jong ka rep ka riang, ka Central Agricultural University, Imphal ka lah trei pynkhlain ha kane ka liang. Ha

shwa ka jingwan ka sorkar Modi, don tang hynniew tylli kolej ha kane ka lam mihngi bad mynta ka jingdon jong ki kolej ka lah kiew sha 13 tylli ha kine lai nem shiteng bad hangne lah kynthup lang ia ka Horticulture Kolej bad ka Agriculture Kolej ha Barapani, Meghalaya. Ha kaba mynshuwa, don tang 3 tylli ki Krishi Vigyan Kendras (KVKs) ha Meghalaya bad mynta ki lah don haduh 5 tylli ki KVKs.

U Ministar u lah pyni ia ka jingsngewbha jong u ia ka ICAR Research Complex, Umiam namar ba ka la lah ban pynmih ia ki prokram ki bapher bapher kiba wanrah ia jingroi ia ka jingiohnong jong ki nongrep lyngba ki projek ha ki shnong kiba lah shimti da ka ICAR kiba dei ban pyntrei hapoh ka 5 snem. U lah ong ruh ba kumba 90% ka jingiarap kan ia id shatei ki thain lam mihngi kab kynthup ruh ia ka Meghalaya ia kaban pynstet ia ka jingtrei kam jong kine ki skhim.



